

ԱՌԱՋՆՈՐԴԻ ՀՄՏՈՒԹՅՈՒՆՆԵՐԸ

Առաջնորդել Հիսուսի Նման

Մաս 3

«Ձեր միջի մեծը թող կրտսերի պես լինի,
իսկ առաջնորդը՝ սպասավորի պես:» Ղուկաս 22:26

Ինչպե՞ս առաջնորդել ուրիշներին Հիսուսի նման

1. Օրինակ եղիր նրանց համար

«Քանի որ ես ձեզ օրինակ ծառայեցի, որպեսզի ինչպես ես ձեզ արեցի, դուք էլ նույն կերպ անեք:» Հովհաննես 13:15

«Ոչ թե նրանց տիրելով, որ բաժին են ընկել ձեզ, այլ հոտին օրինակ լինելով:» Ա Պետրոս 5:3

«...օրինակ էլ եղիր խոսքով, վարքով, սիրով, հավատով, անարատությամբ:» Ա Տիմոթեոսին 4:12

2. Քաջալերիր նրանց ավելի մեծ նպատակների

«Գնա՛, ինչ որ ունես, վաճառի՛ր ու աղքատների՛ն բաժանիր և երկնքում գանձ կուներես:» Մարկոս 10:21բ

«Երբ գնաք, քարոզե՛ք ու ասե՛ք, որ երկնքի արքայությունը մոտեցել է: Հիվանդներին բժշկե՛ք, մեռելներին հարություն տվե՛ք, բորոտներին մաքրե՛ք, դևերին հանե՛ք. ձրի ստացել էք, ձրի էլ տվե՛ք:» Մատթեոս 10:7-8

«Արդ գնացե՛ք, աշակե՛րոս դարձրեք բոլոր ազգերին՝ նրանց մկրտելով Հոր, Որդու և Սուրբ Հոգու անունով, սովորեցրե՛ք նրանց պահել այն ամենը, ինչ ձեզ պատվիրեցի:» Մատթեոս 28:19-20

3. Գնահատիր նրանց կարողությունները

«Հիսուսը սիրալիք նայեց նրան:» Մարկոս 10:21ա

«Ով հավատում է ինձ, ինքն էլ նույն գործերը կանի, որ ես եմ անում, և դրանցից է՛լ ավելի մեծ բաներ կանի, որովհետև ես իմ Հոր մոտ եմ գնում:» Հովհաննես 14:12

«...բարի խոսքն ուրախացնում է նրան:» Առակներ 12:25

4. Վստահիր նրանց որոշակի պարտականությունների մեջ

«Ես քեզ եմ տալու երկնքի արքայության բանալիները, և ինչ որ երկրի վրա կապես, կապված կլինի երկնքում, և ինչ որ երկրի վրա արձակես, արձակված կլինի երկնքում:» Մատթեոս 16:19

«Քիչ բանի մեջ հավատարիմը շատի մեջ էլ է հավատարիմ:» Ղուկաս 16:10

«...ամեն բանի հանդեպ հույս ունի, ամեն բանի համբերում է:» Ա Կորնթացիներին 13:7

5. Անկեղծորեն հայտնիր նրանց քո կարծիքը

«Հիսուսը նրանց ասաց. «Ձեր թերահավատության պատճառով: Ըջմարիտ եմ ասում ձեզ. եթե մանանեխի հատիկի չափ հավատ ունենաք...ձեզ համար անկարելի ոչինչ չի լինի:» Մատթեոս 17:20

«Ձեր բերանից թող ոչ մի վատ խոսք դուրս չգա, միայն այն, որ բարի է, հավատի շինության համար պիտանի...» Եփեսացիներին 4:29

6. Վարվիր նրանց հետ հավասարի պես

«Ձեզ այլևս ծառաներ չեմ կոչում...Ձեզ բարեկամներ եմ կոչում:» Հովհաննես 15:15

«Բայց երբ Քրիստոսը՝ մեր կյանքը, հայտնվի, այն ժամանակ դուք էլ նրա հետ վառքով կհայտնվեք:» Կողոսացիներին 3:4

7. Աղոթիր նրանց համար

«Բայց ես քեզ համար աղոթեցի, որ քո հավատը չպակասի:» Ղուկաս 22:32

«Բայց միայն նրանց համար չեմ խնդրում, այլ նաև նրանց, ովքեր նրանց խոսքի միջոցով կհավատան ինձ:» Հովհաննես 17:20

Հաջորդ Քարոզի Թեման
ԱՌԱՋՆՈՐԴԻ ՓՈՐՁՈՒԹՅՈՒՆՆԵՐԸ
Հովիվ Սարո Խաչիկեան